



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 51. Alia ejusdem epistola ad Archiepiscopum Moguntinum

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

Sæc. XVI.
A.C. 1518.

§. LI.

Alia Lutheri epistola ad Archiepiscopum Moguntinum.

*Sleidan. in
comm. lib. I.
p. 48.*

Die quarta Februarii Lutherus ad Moguntia Archiepiscopum, alias quoque dedit literas, in quibus ea, quæ in suis libris de communione sub utraque specie, & de Primatu Pontificis asseruerat, excusat, simulque hunc Præsulem rogat, ne ejus hostibus faciles aures præberet, nec illum indicta causa damnaret. Postea declarat, quod duntaxat ab illis errorum redarguatur, qui illius libros vel non perlegissent, vel præjudiciis decepti evolvisent: hos ergo obtestatur, ut eum si erraverit, saniora docerent, cum semper docilem se ostendere velit, si convinci posset. Hisce literis respondit Archiepiscopus, hancque animi propensionem commendat, hortaturque, ut veritates in sacris literis contentas edocere pergeret, dummodo id debita moderatione, absque rancore, nec ex quodam seditionem contra Ecclesiæ auctoritatem fovendi studio faceret, dein significat, quod negotiorum frequentia ipsi quidem ejus libros perlegendi spacium præripuisset, de cetero tamen eorum censuram ac judicium Superioribus relinquat, ardentem vero tam eum quam omnes, qui de rebus fidei tractant,

stant, obsecret, ut id muneris modeste, saecul. XVI. A. C. 1520.
 absque injuriis, ac tumultu exerceant; additque, se permolestè ferre, quod hæc
 disputandi regulæ ignorarentur, pluresque Theologi nonnisi verborum asperita-
 tibus dimicent, suasque opiniones haud tolerando fastu atque arrogantia tuean-
 tur, ac denique populum ejusmodi erro-
 ribus inficiant, quibus ad inobedientiam
 & Ecclesiasticæ auctoritatis contemptum
 pertrahuntur. Alia adhuc existat Lutheri
 epistola sub idem ferme tempus ad E-
 piscopum Merseburgensem data, unacum
 Præsulis responso, in quo de tumultu per
 Lutheri librum de communione sub u-
 traque specie inter fideles suscitato que-
 ritur.

§. LII.

*Romæ contra Lutherum agi
 ceptum.*

Interea cum Romæ in reprimendis Lu-
 theri progressibus longior mora traheretur, non pauci hanc cunctationem in
 re tanti momenti incusabant; quare Au-
 gustiniani, FF. Prædicatores, aliique da-
 tis ad Papam literis significabant, quod
 etiamsi in rebus levioris momenti cun-
 ctatio profanæ prudentiæ defectus sit,
 in materia fidei minima mutatio tolera-
 ri nequeat, ac harum turbarum progres-
 sibus

*Sleid. l. c. 1. 2.**p. 50.**Pallavicin.**hist. Conc.**Trid. l. 1. c. 20**Cochl. l. c.*